

# Ժողովուրդ

22 փետրվարի հինգշաբթի 2024  
տպագրության ԺԳ տարի

23  
(2873)

Է. Երեան, Արմլան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

## ML ՄԱՅՆԻՆԳԸ ԴԱՏԱՐԱՆԻ ԴՌՆԵՐՆ Է ԸՆԿԵԼ



ՀՀ հատուկ քննչական ծառայության աշխատակազմի նախկին ղեկավարին փոխկապակցված խոշոր շինարարական «ՄԼ Մայնինգ» ՍՊԸ-ն տուգանվել է: ՀՀ բնապահպանության եւ ընդերքի տեսչական մարմնի կողմից: Իհարկե, «ՄԼ Մայնինգ» ՍՊԸ-ն տուգանվել է զատարանում, սակայն խնդիրը խոշոր գումարների է վերաբերում:

«Ժողովուրդ» օրաթերթին պաշտոնական աղբյուրներից հայտնի դարձավ, որ ՀՀ հատուկ քննչական ծառայության աշխատակազմի նախկին ղեկավարին փոխկապակցված ընկերությունը պահանջում է զատարանից տեսչական մարմնի 27.12.2023 թվականի թիվ 152 ստուգման ակտը, 27.12.2023 թվականի թիվ 97 բնօգտագործման վճարի բազայի չափաքանակների /սահմանափակումների/ ստուգման ակտը եւ 27.12.2023 թվականի թիվ 152 բնապահպանական հարկով հարկման բազայի չափաքանակների /սահմանափակումների/ ակտը ամրոցությամբ վերացնել եւ որպես հետքեր ակտին կից ներկայացված հաշվարկները, արձանագրությունը, 31.01.2024 թվականի խախտումները վերացնելու մասին թիվ 04 հանձնարարականը, ինչպես նաեւ 31.01.2024 թվականի վնասի փոխհատուցման պահանջ ներկայացնելու մասին թիվ 4/04-24-Վ որոշումը, 31.01.2024 թվականի վնասի փոխհատուցման պահանջ ներկայացնելու մասին թիվ 4/05-24-Վ որոշումը անվավեր ճանաչել:

Ինչ կվճռի դատարանը՝ կհետեւենք ընթացքին, բայց արձանագրենք, որ «ՄԼ Մայնինգ» ՍՊԸ-ի շուրջ սա միակ աղմուկը չէ: «Ժողովուրդ» օրաթերթը գրել էր, որ համայնքի ղեկավարները դատարաններ են դիմում ընդդեմ ընկերության: Մասնավորապես, Արարատի մարզի Արարատ համայնքի ղեկավար Ասլան Ավետիսյանը դիմել է ՀՀ վարչական դատարան՝ պահանջելով, որ դատարանը ստիպի Արարատ համայնքի վարչական տարածքի գյուղ Նոյակերտ բնակավայրում գտնվող հողատարածքի մրցույթն անվավեր ճանաչել, «Համայնքի գյուղատնտեսական նշանակության հողամասերը մրցութային կարգով, 25 տարի ժամկետով վարձակալության տրամադրելու մասին» 22.04.2019թ. որոշումը վերացնել, որպես հետեւանք՝ «Գյուղատնտեսական գործունեություն ծավալելու նպատակով հողամասերը վարձակալության հանձնելու մասին» պայմանագիրը եւ դրա հիման վրա կատարված վարձակալության իրավունքի պետական գրանցումն անվավեր ճանաչել:


Այսինքն՝ ինչ տվել են ընկերությանը, հետ են ուզում: Ի դեպ, հենց 2019 թվականի մայիսի 23-ին կառավարությունը մաքսատուրքից ազատման արտոնություն տվեց, ի թվա այլոց, նաեւ «ՄԼ Մայնինգ» ՍՊԸ-ին, որը փոխկապակցված է Հատուկ քննչական ծառայության աշխատակազմի ղեկավար Դավիթ Սուքիասյանի հետ: «ՄԼ Մայնինգ» ՍՊԸ-ն զբաղվում է ավազի եւ խճի արդյունահանմամբ: Ըստ կառավարության հիմնավորման ընկերության կողմից ներմուծվող սարքավորումներն օգտագործվելու են հանքարդյունաբերության մեջ (Կոտայքի մարզ): Նկատենք, որ այս ընկերությունն առաջին անգամ չէ, որ արտոնություն է ստանում գործադիրից: 2018 թ. հունվարի 25-ին էլ «ՄԼ Մայնինգ» ստացել էր 2 մլրդ դրամի կամ 5 մլն դոլարի սարքավորումների ներմուծման մաքսատուրքի արտոնություն:

Կոռուպցիայի կանխարգելման հանձնաժողովը մտադիր է վարույթ հարուցել ավագանու 5 անդամների նկատմամբ, որոնք անհամատեղելիության կարգով նաեւ հանրային ծառայողի պաշտոն են զբաղեցնում: «Ժողովուրդ» օրաթերթը գրել էր, որ Երեանի ավագանու «Քաղաքացիական պայմանագիր» խմբակցության ավագանու մի շարք անդամներ ավագանու անդամի պաշտոնի հետ անհամատեղելի պաշտոններ են զբաղեցնում: Այսպես, ավագանու իշխանական անդամ Վլադիմիր Կիրակոսյանը համատեղությամբ նաեւ Անտառային կոմիտեի նախագահն է, Նատալյա Սիսոյանը ԱԺ «Քաղաքացիական պայմանագիր» խմբակցության ղեկավար Հայկ Կոնջոյանի օգնականն էր, իսկ հիմա՝ ԶԳ խմբակցության փորձագետը, Մալաթիա-Սեբաստիա վարչական շրջանի նախկին ղեկավար, ավագանու անդամ Արման Բարխուդարյանը ԱԺ նախագահի տեղակալ Ռուբեն Ռուբինյանի խորհրդականն է, Զինա Չալիկյանը ԱԺ նախագահի ռեֆերենտն է, իսկ Լեւոն Լեւոնյանը նաեւ Ազգային ժողովի աշխատակազմի ղեկավարի օգնականն է: «Ժողովուրդ» օրաթերթը տեղեկացավ, որ «Մայր Հայաստան» խմբակցության անդամ Սամվել Հակոբյանը եւս անհամատեղելիության կարգով այլ պաշտոն զբաղեցնող ավագանիների ցուցակում է: Նա ԱԺ «Հայաստան» խմբակցության ղեկավար Սեյրան Օհանյանի օգնականն է: Այսպիսով, չնայած Հակակոռուպցիոն քաղաքականության խորհրդի նիստում որոշվել էր համաներել ավագանու այս անդամներին, բայց ԿԿԻ-ն, ամեն դեպքում, վարույթ է հարուցելու ավագանու այս 5 անդամների նկատմամբ: ԿԿԻ նիստը տեղի կունենա ուրբաթ օրը, իսկ վարույթները ավագանու անդամներին կուղարկվեն 3-օրյա ժամկետում: «Օրենքով սահմանված դեպքերում մենք պարտավոր ենք վարույթ հարուցել, քանի դեռ այլ օրենսդրական կարգավորում առկա չէ», -ասացին մեզ ԿԿԻ-ից:



Շարունակությունը՝ ArmLur.am կայքում:

«Ժողովուրդ» օրաթերթին հայտնի դարձավ, որ Հակակոռուպցիոն դատարանը ծանուցում է ուղարկել Կենտրոն վարչական շրջանի ղեկավար Սամվել Դուկայանին որպես վկա հարցաքննելու համար: Պարզեցինք, որ Դուկայանը գնացել է Հակակոռուպցիոն դատարան: Հիշեցնենք, որ թաղապետը դատարան գնացել է իր ենթակաների՝ պաշտոնական դիրքի չարաշահման գործով: Իրավապահները կայանավորել են Երեան քաղաքի Կենտրոն վարչական շրջանի ղեկավարի աշխատակազմի կոմունալ տնտեսության եւ բազմաբնակարան շենքերի կառավարման մարմինների հետ աշխատանքների կազմակերպման բաժնի պետ Տիգրան Ռաֆիկի Մարտիրոսյանին, նույն բաժնի առաջատար մասնագետ Արման Նվերի Հարությունյանին: Ըստ նախաքննական մարմնի պաշտոնական տեղեկության՝ վերջիններս նախնական համաձայնությամբ, խմբի կազմում, ունենալով տեղական ինքնակառավարման մարմնի անունից հանդես գալու լիազորություն, ինչպես նաեւ նույն մարմնի անունից իրավունք, պարտականություն կամ պատասխանատվություն առաջացնող գործառնություններ, հանդիսանալով պաշտոնատար անձինք, Երեան քաղաքի Կենտրոն վարչական շրջանի՝ հրատապ լուծում պահանջող ընթացիկ աշխատանքներն իրականացնող «Ասֆալտ Քոնսթրաքշն» ՍՊ ընկերության տնօրեն Կամո Գեորգիանի Գեորգյանի նկատմամբ իրենց ծառայողական լիազորությունների իրականացման հետ կապված ընդհանուր բերեհաճ վերաբերմունքի համար 2023 թվականի հուլիսի 11-ին Երեան քաղաքի Կենտրոն վարչական շրջանի աշխատակազմի վարչական շենքում Կամո Գեորգյանից ստացել են խոշոր չափերով՝ 1.000.000 (մեկ միլիոն) ՀՀ դրամ կաշառք-գումար, որը վերջինս անձամբ տվել է Տիգրան Մարտիրոսյանին, որը ստացված կաշառք-գումարից 150.000 դրամը հաջորդ օրը փոխանցել է Արման Հարությունյանին: Նկատենք, որ նախաքննական մարմինը պատասխանատվության չի կանչել Կենտրոնի թաղապետ Սամվել Դուկայանին այն բանի համար, թե ինչպես եղավ, որ նրա ենթակաները, առանց իր իմացության, նման պատժելի քայլի գնացին:



Ուսումնասիրելով ՀՀ արդարադատության նախարարության 2024 թվականի հունվար-փետրվար ամիսների գնումները՝ «Ժողովուրդ» օրաթերթը նկատեց, որ, բացի խոշոր դրամաշնորհներից, ինչպիսին են «Իրավական կրթության եւ վերականգնողական ծրագրերի իրականացման կենտրոն» ՊՈԱԿ-ին տրամադրած 175 մլն 211 հազար դրամ դրամաշնորհը, «Արբիտրաժի եւ հաշտարարության հայաստանյան կենտրոն» հիմնադրամին տված 445 մլն 400 հազար դրամ դրամաշնորհը, նաեւ նախարարությունն այլ հետաքրքիր գնումների պայմանագրեր է կնքել: Օրինակ՝ նախարարությունը 30 հազար թելով թղթապանակ է գնել 2 մլն 214 հազար դրամ արժողությամբ: Թղթապանակի բնութագիրը, ըստ պայմանագրի, հետեւյալն է՝ թղթապանակ՝ թելով կապիտ, թղթայ, նախատեսված A4 չափի թղթերի համար, սովորաբար խտությունը՝ 400գ/քմ, սովորաբար ղիմերեսի սպիտակությունը՝ 120 (CIE համակարգով), չափերը՝ 220x315x15մմ, ղիմերեսին գրված՝ «ԹՐԹԱՊԱՆԱԿ»: Ապրանքների մատակարարումը, բեռնաթափումը պահեստ իրականացնում է վաճառողը: Հաջորդ հետաքրքիր գնումը 240 հազար դրամ արժողությամբ պայմանագրի միջոցով ձեռք բերված 2 դրոշներն են, որոնց մեկ հատի արժեքը կազմել է 120 հազար դրամ:

ԶՐՈՒՅՑ

# ՎՏԱՆԳՈՒՄ Է ՍՅՈՒՆԻՔԸ, ՎԱՐԴԵՆԻՍԸ, ՏԱՎՈՒՇԸ...

**Արցախի ԱԺ ղեկավար կազմը օրերս հանդիպել էր Արցախի հարցերով հանձնախմբի համակարգող Վարդան Օսկանյանի հետ:**

Քննարկվել են այն քայլերը, որոնք անհրաժեշտ են միջազգային հիմնավոր երաշխիքների ներքո ստեղծելու անվտանգ ու իրավական դրույթներով ամրագրված միջավայր՝ արցախահայության հայրենադարձման և անվտանգ կյանքի համար:

ArmLur.am-ը այս առիթով գրուցել է 33 առաջին ՄԻՊ Լարիսա Ալավերդյանի հետ:

**-Տիկին Ալավերդյան, գիտե՞ք, որ հատուկ հանձնաժողով է ձեռնարկվել Նախկին արտգործնախարար Վարդան Օսկանյանի գլխավորությամբ, որը բանակցություններ է վարում եւ երաշխիքներ ձեռնարկում, որպեսզի որոշ ժամանակ հետո գոնե հնարավոր լինի արցախահայերի վերադաձն իրենց հայրենիք: Ի՞նչ էք կարծում, այս գործընթացը հաջողությամբ կպսակվի՞, արդյոք Ադրբեջանից հնարավոր կլինի՞ ստանալ որեւէ երաշխիք:**

-Թույլ տվեք ասել, որ ես ընդհանրապես կողմ եմ, որ ինչ-որ տարբեր գործընթացներ սկսվեն. կցանկանամ, որ հստակ մի գաղափար բոլորն ունենան ու կիսեն ինձ հետ, այն է՝ ոչ թե Արցախը եւ արցախցիները պետք է վերադառնան Արցախ, այլ Արցախը պետք է վերադարձվի հայերին. Արցախը հայկական ոչ միայն հող է, այլ եղել է հայկական հանրապետություն: Ի տարբերություն շատերի՝ ես ողջունում եմ, որ ողջ է մնացել այն ժողովուրդը, որը պետք է պայքարի: Միակ երաշխիքը հայերի՝ Արցախում ապրելու Արցախի Հանրապետության միջազգային ճանաչումն է, բայց դրանից առաջ Ադրբեջանի բոլոր ցեղասպանական գործողությունները պետք է պատժվեն, պիտի գործի պատժելիության սկզբունքը: Ով անում է առանց այդ երկրորդ սկզբունքի, նա տանում է հերթական կոտորածի: Հստակեցնենք. Ադրբեջանը թույլ չի տալու, որ որեւէ հայ ապրի Արցախում որպես հայ, որպես իր ինքնությունը պահպանող: Ես փոքր-ինչ ուղղեմ. դա ոչ թե բանակցություններ են, այլ դա գործունեություն է, որը կոչված է ամենատարբեր ատյաններում, տարբեր



ժողովուրդների միջավայրում ճիշտ պատկերը ներկայացնել Արցախյան հիմնահարցի: Ես պետք է փաստեմ, որ այս տարիների ընթացքում միջազգային հանրությունը, փաստորեն, սկսվել է միայն սուտ մոտեցումներով, որոնք տարածում էր Ադրբեջանը: Շատ ամոթ մեզ, մենք հենց սկզբից այդ պայքարի մեջ ենք տանուլ տվել: Այս առումով այդպիսի հանձնաժողովների գլխավոր նպատակը պետք է լինի միջազգային հանրության շահագրգիռ կողմերի և հարակիցներում ստեղծել ճիշտ պատկերը Արցախի հիմնահարցի: Ո՞րն է այդ ճիշտ պատկերը. Արցախի Հանրապետությունը կայացել է ոչ մեկին, բացի հայերից պատկանող տարածքում: Ադրբեջանի նկրտումները մերժվել են դեռ անցած դարում Ազգերի լիգայի կողմից, երբ որ ինքը ներկայացրել է իր քարտեզը՝ Բաքվից Բաթում, եւ իրեն

ՖՐՈՐՄ

# ԸՆՏՐՎԵԼ Է ՓՈԽՆԱԽԱԳԱՐ

**Փետրվարի 20-21-ը ՀՀ ԱԳ նախարարի ժողովրդավար Վահան Կոստանյանի գլխավորած դասվորակությունը մասնակցել է Բանգկոկում ընթացող Կայուն զարգացման Ասիա-Նախադասվորակության 11-րդ ֆորումի աշխատանքներին:**

ԱԳՆ-ից հայտնում են, որ ֆորումի հանդիսավոր բացման արարողության ժամանակ ԱԳ նախարարի տեղակալ Վահան Կոստանյանն ընտրվել է ֆորումի փոխնախագահ:

Նույն օրն ԱԳ նախարարի տեղակալը հանդես է եկել բանախոսությամբ «Բազմակի ճգնաժամերի շրջանում աղքատության վերացում եւ Կայուն զարգացման 2030 օրակարգի ամրապնդում. Ասիա-Նախադասվորակության տարածաշրջանում կայուն, դիմակայուն եւ նորարարարական լուծումների ապահովում» խորագրով բարձր մակարդակի պանելային քննարկմանը:

Իր խոսքում ԱԳ նախարարի տեղակալ Վահան Կոստանյանը ներկայացրել է վերջին տարիներին Հայաստանի առջեւ ծառայած մարտահրավերները՝ տարածաշրջանում ստեղծված իրավիճակի, Լեռնային Ղարաբաղի էթնիկ գտման եւ Հայաստան-Ադրբեջան սահմանի անկայունության պայմաններում, որոնք լրացուցիչ խնդիրներ են ստեղծել Հայաստանի Հանրապետության կողմից կայուն զարգացման նպատակների իրագործման ճանապարհին:

Անդրադառնալով կլիմայի փոփոխության պայմաններում Հայաստանի Հանրապետության առջեւ գոյացած մարտահրավերներին՝ նախարարի տեղակալ Կոստանյանը կարեւորել է Փարիզի համաձայնագրի լիակատար իրագործումը, ինչպես նաեւ կլիմայի փոփոխության դեմ պայքարի ոլորտում արդյունավետ ֆինանսական մեխանիզմների կիրառումը՝ ի աջակցություն կլիմայի փոփոխու-

թյան դեմ զարգացող երկրներին պայքարին:

ԱԳ նախարարի տեղակալ Վահան Կոստանյանը նաեւ նախագահել է ֆորումի՝ Ապագայի զագաթնաժողովին նվիրված նստաշրջանը, որի ընթացքում անդրադարձ է կատարվել զագաթնաժողովի արդյունքում ընդունվելիք Ապագայի դաշնագրին:

Ֆորումի շրջանակներում ԱԳ նախարարի տեղակալը հանդիպումներ է ունեցել ՄԱԿ-ի գլխավոր քարտուղարի տեղակալ, Ասիա-Նախադասվորակության տարածաշրջանի տնտեսական եւ սոցիալական հանձնաժողովի գործադիր քարտուղար Արմիդա Մալիա Ալիշահբանայի, Երիտասարդության հարցերով ՄԱԿ-ի գլխավոր քարտուղարի փոխտեղակալ Ֆելիպե Պոլիեի եւ Լատի ժողովրդական ժողովրդավարական Հանրապետության ԱԳ նախարարի տեղակալ Պոլյա Խայխամֆիթունի հետ:

**Զ. ՄՈՒՇԵՂՅԱՆ**



## ՎՏԱՆԳՆ ԻՐԱԿԱՆ Է

Սյունիքում տեղի ունեցած միջադեպերը վկայում են, որ էսկալացիայի վտանգը իրական է. այս մասին Ֆրանսիայում վարչապետ Փաշինյանի հետ համատեղ մամուլի ասուլիսի ժամանակ ասել է Ֆրանսիայի նախագահ Էմանուել Մակրոնը:

«Դուք կարող եք ապավինել Ֆրանսիայի աջակցությանը Հայաստանին, անկախությանը, տարածքային ամբողջականությանը, նրա ժողովրդավարական ընթացքին եւ նրա խաղաղության ձգտումներին:

Այս պահին, երբ մենք Նշում ենք Միսաք Մանուշյանի եւ կնոջ՝ Մելինե Մանուշյանի հիշատակը, պատերազմական հանցագործությունները շարունակվում են Եվրոպայի մայրցամաքում, եւ հանուն ազատության պայքարը առավել քան երբեւէ պահանջում է պայքար անպատժելիության դեմ:

Վերջերս Սյունիքում տեղի ունեցած միջադեպերը վկայում են, որ էսկալացիայի վտանգը իրական է մնում:

Ֆրանսիան ցավում է, որ փետրվարի 12-ի կրակոցի արդյունքում վիրավորվել է ադրբեջանցի, ինչն ընդունել են նաեւ Հայաստանի ղեկավարությունը՝ լիակատար թափանցիկությամբ:

Ֆրանսիան ափսոսանք է հայտնում Ադրբեջանի անհամաչափ պատասխան հարվածի համար, որի արդյունքում հայկական կողմը ունեցավ 4 զոհ եւ 1 վիրավոր», - հավելել է Ֆրանսիայի նախագահը:

## ՀՅՈՒՐԻ ԿԱՐԳԱՎԻՃԱԿՈՎ

Հայաստանում Եվրամիության քաղաքացիական առաքելությունն ի սկզբանե չի բացառել, որ Ներքին Հանդ հասնելու հետ կապված կարող են խնդիրներ լինել:

Այս մասին ասաց Հայաստանում ԵՄ քաղաքացիական առաքելության ղեկավար Մարկուս Ռիտերը Հայաստանում ԵՄ դիտորդական առաքելության 1-ամյա տարեդարձի շրջանակում կազմակերպված ասուլիսում՝ անդրադառնալով ադրբեջանական վերջին ագրեսիայի ժամանակ ռուս սահմանապահների կողմից ԵՄ առաքելության մուտքը Ներքին Հանդ խոչընդոտելու վերաբերյալ հարցին:

«Մեր առաքելությունը հասանելիություն ունի Հայաստանի ամբողջ տարածքում՝ բացառությամբ Ներքին Հանդի տարածքի, որը ռուս սահմանապահների պատասխանատվության ներքո է: Ի սկզբանե մենք գիտեինք, որ չեն բացառվում խնդիրները Ներքին Հանդ հասնելու համար», - ասաց Ռիտերը:

Թե որն է ԵՄ դիտորդների մուտքը խոչընդոտելու հիմնավորումը, նա հորդորում է հարցնել ռուսական կողմին:

Առաքելության ղեկավարն ընդգծեց՝ իրենք Հայաստանում հյուրի կարգավիճակով են: «Ըստ այդմ էլ Հայաստանը պետք է զբաղվի այդ հարցով, մենք ուղղակի շփումներ չունենք Հայաստանում ռուսական ուժերի հետ», - ասաց Ռիտերը:

Նա վստահեցրեց, որ խնդիրը կապված է բացառապես Ներքին Հանդի հետ. մնացած այն տեղերում, որտեղ իրենք հանդիպում են ռուսական ուժերի հետ, խնդիրներ չեն լինում:

ԻՐԱՎԻՃԱԿ

ՀՀ-ԱՂՐՔԵԶԱՆ

ՄՊԱՌԱԶԻՆՈՒԹՅՈՒՆԸ ԿԱՅՈՒՆՈՒԹՅԱՆ ՀԱՄԱՐ ՉԷ

ՆՈՐ ՕՐԱԿԱՐԳ

«Հայաստանն ու Եվրամիությունն ուսումնասիրում են անվտանգության ոլորտում համագործակցելու տարբերակներ»,- այս մասին ասաց Հայաստանում Եվրոպական միության առաքելության ղեկավար, դեսպան Վասիլիս Մարագոսը...

«Մոլառագինությունը, որը ձեռք է բերում Ադրբեջանը, ընդհանուր առմամբ սարածագրջանը կայունացնելու համար չէ»,- այս մասին ճեղագրույցում հայտնեց ՀՀ անվտանգության խորհրդի ֆարսուղար Արմեն Գրիգորյանը...



«Հայկական կողմի համար առաջնահերթություն է քարտեզների միջոցով սահմանագծում եւ սահմանագծում իրականացնելը»,- հայտնեց ՀՀ անվտանգության խորհրդի քարտուղար Արմեն Գրիգորյանը...

«Մենք հիմա աշխատում ենք Հայաստան-ԵՄ գործընկերության նոր օրակարգի վրա: Եվրամիության խորհուրդը Եվրահանձնաժողովին եւ բարձր ներկայացուցչին խնդրել է մշակել տարբերակներ՝ բոլոր ուղղություններով Հայաստան-ԵՄ հարաբերությունների հետագա զարգացման համար: Շնորհիվ մեջ գտնվող գործընթացի մասին է խոսքը, վերաբերում է երկու կողմին էլ»,-ասաց Մարագոսը:

«Մենք առաջարկել ենք Նաեւ ունենալ սպառազինության վերահսկման մեխանիզմներ, որովհետեւ դա կարող է տարածաշրջանում լինել կայունության ու երկարատեւ խաղաղության հաստատման գործընթաց: Մենք շարժվում ենք այդ օրակարգով: Այն օրվանից, երբ մենք հրապարակավ Ադրբեջանին փոխանցեցինք զորքերը հայելային կերպով հետ քաշելու առաջարկը, այն մշտապես մտել է մեր օրակարգ: Փորձելու ենք այդ հարցում Ադրբեջանի հետ հասնել համաձայնության՝ քննարկելով հնարավոր լուծումները: Այդ հարցում անհրաժեշտ է երկու կողմերի համաձայնությունը»,- ասաց Գրիգորյանը:

ԵՄ դեսպանն ասաց, որ քննարկում են, թե որն է Հայաստանի քաղաքացիների ցանկությունն այս մասով: Նա բավականին կուռ է գնահատում գործընկերությունը՝ ելնելով Համապարփակ եւ ընդլայնված գործընկերության համաձայնագրից:

Նրա խոսքով՝ հայկական կողմը միանշանակ համոզված է, որ զորքերի հայելային հետքաշումը հնարավոր միջադեպերը կանխելու լավագույն գործիքներից մեկն է: Եթե զինված ուժերը երկուստեք դասավորվեն որոշակի հեռավորության վրա, եւ մերձը սահմանի երկայնքով տեղակայվեն սահմանապահ զորքերը, բնականաբար, դա կլինի կայունության գործոն:

«Մենք Հայաստանի համար շատ բարեփոխումների շատ կարելի գործընկեր ենք հանդիսանում: Մենք Նաեւ ուսումնասիրում ենք տարբերակներ անվտանգության ասպարեզում համագործակցելու: Խոսքը, մասնավորապես, Հայաստանի մասնակցության հավանականության մասին է Եվրոպական խաղաղության շրջանակին»,-ասաց դեսպանը:

«Հայաստանը դիվերսիֆիկացնում է իր անվտանգությունը եւ արտաքին քաղաքականությունը եւ դա կատարում է ամբողջովին բաց՝ միջոցառումների, քաղաքական մեսիջների ու գործողությունների միջոցով: Դիվերսիֆիկացիան ներառում է ոչ միայն Արեւմուտքը, այլեւ Հնդկաստանն ու մի շարք այլ երկրներ: Տեսնելով, որ անվտանգության այն համակարգը, որի մասն է կազմում Հայաստանը, չի աշխատել 2020-22 թվականներին եւ ընդհանրապես գործունյա չէ՝ մենք փնտրում ենք անվտանգության այլ երաշխիքներ եւ շարունակելու ենք աշխատել այդ ուղղությամբ»,- ասաց ՀՀ ԱԽ քարտուղարը:

Նա ասաց, որ օրակարգի մշակումն ավարտելուց հետո ՀՀ-ն ու ԵՄ-ն կկարողանան հայտարարություն անել: Մարագոսը կարելի էր, որ ԵՄ-ն արձագանքի Հայաստանի ժողովրդի հավանություններին:

ԵՄ դիտորդական առաքելության 1-ամյա տարեդարձի առիթով կազմակերպված միջոցառմանը Հայաստանի անվտանգության խորհրդի քարտուղար Արմեն Գրիգորյանը հայտնել էր, որ Հայաստանը չի ցանկանում հանդիսանալ միայն անվտանգության սպառող եւ այդ կոնտեքստում ՀՀ-ն Բրյուսելին հայտնել է, որ պատրաստ է ներդրումներ ունենալ ԵՄ ընդհանուր անվտանգության եւ պաշտպանական քաղաքականության քաղաքացիական առաքելություններում:

ԳՈՐԾԸՆԿԵՐՈՒԹՅՈՒՆ

ՀՀ արտաքին գործերի նախարարի մամուլի քարտուղար Անի Բաղդասարյանը տարածաշրջանում կայունության ապահովման գործում կարեւորել է Հայաստանում ԵՄ դիտորդական առաքելության ներդրումը:

ԵՄ ԱՌԱՔԵԼՈՒԹՅՈՒՆԸ ՆՊԱՏՏՈՒՄ Է ԿԱՅՈՒՆՈՒԹՅԱՆԸ

«Հայաստանում Եվրամիության դիտորդական առաքելությունը նպաստում է Հարավային Կովկասում կայունությանը եւ կարեւոր գործոն է ընթացիկ իրադարձությունների մասով թափանցիկության ապահովման համար»,- Հայաստանում ԵՄ դիտորդական առաքելության 1-ամյակին նվիրված միջոցառմանը այս մասին հայտարարեց ՀՀ անվտանգության խորհրդի ֆարսուղար Արմեն Գրիգորյանը:

Նաեւ առաքելության եւ Հայաստանի Հանրապետության գերատեսչությունների միջեւ համագործակցությունը, ձեւավորել ենք հաղորդակցության մի շարք արդյունավետ ձեւաչափեր: Առաքելությունը Հայաստանում տեղակայվել է մեզ համար դժվար ժամանակաշրջանում եւ կարելի էր գործառույթ է իրականացնում՝դիտարկելու Հայաստան-Ադրբեջան միջազգայնորեն ճանաչված սահմանի ողջ երկայնքով:

Նա նշեց, որ այս կարելի առաքելությունում ներդրում ունենալու համար հայկական կողմը շնորհակալ է ԵՄ անդամ երկու տասնյակից ավելի երկրներին, Բրյուսելի ղեկավարությանը եւ առաքելության անձնակազմին:

Այս մասին արտգործնախարարի խոսնակը նշել է Հայաստանում ԵՄ դիտորդական առաքելության գործունեության մեկամյակի առթիվ X-ի միկրոբլոգում կատարած գրառման մեջ:

Նա հիշեցրեց, որ անցած մեկ տարին կարելի էր փոխել էր ԵՄ քաղաքացիական առաքելության համար, որի ընթացքում լուծվել է սկսված առաջընթաց են գրանցել մի շարք հարցեր՝ կապված առաքելության տեղակայման վայրերի, անձնակազմի համալրման եւ գործունեության իրավապայմանագրային հիմքի հետ:

Մեր գնահատականն այն է, որ առաքելությունը նպաստում է տարածաշրջանի կայունությանը եւ կարելի էր գործն է ընթացիկ իրադարձությունների մասով թափանցիկության ապահովման համար:

«Մենք հուսով ենք եւ ակնկալում ենք, որ առաքելությունում կտեսնենք ԵՄ անդամ բոլոր երկրների ներկայացուցիչներին: Մենք Նաեւ ողջունում ենք Կանադայի մասնակցությունն առաքելությանը եւ ողջունում ենք առաքելությանը միանալու՝ Նորվեգիայի պատրաստակամությունը»,-եզրափակեց Գրիգորյանը:

«Այսօր Եվրամիության գործընկերների հետ մենք նշում ենք Հայաստանում ԵՄ դիտորդական առաքելության գործունեության առաջին տարեդարձը, որը Հայաստան-ԵՄ գործընկերության խորացման ամենավառ օրինակներից է: Այն ցույց է տալիս Հայաստանի, ԵՄ-ի եւ Նրա անդամ երկրների փոխադարձ շահագրգռվածությունը՝ այն նոր հարթություն տեղափոխելու հավակնոտ օրակարգով: Մենք Նաեւ կարելի ենք առաքելության կարելի ներդրումը տարածաշրջանում կայունության ապահովման գործում»,-գրել է Բաղդասարյանը:

Մենք անընդունելի ենք համարում առաքելության հասցեին տարբեր երկրներից հնչող անհիմն քննադատությունները եւ աջակցում ենք առաքելությանը՝ իրականացնելու իր մանդատը ամբողջ ծավալով»,-ընդգծեց Գրիգորյանը:

Հայաստանում ԵՄ դիտորդական առաքելության հասցեին օրերս անհիմն մեղադրանքներ էր հնչեցրել Ադրբեջանի ԱԳՆ-ն՝ նշելով, որ առաքելությունը ոչ թե նպաստում է Հարավային Կովկասի կայունությանը, այլ զբաղված է հակադրաբեջանական քարոզչություն իրականացնելով:

ՍՈՆԱ ԳՐԻԳՈՐՅԱՆ

Ս. ԳՐԻԳՈՐՅԱՆ



ՀԱՍԱՐԱԿՈՒԹՅՈՒՆ

ՄԱՐԶ

ՀԱՐԿ Ե  
ՀԱՏԿԱՑՆԵԼ

Ներկայումս Գանձաքար, Կիրանց, Դովեղ գյուղերում հանրակրթական դպրոցների նոր շենքեր են կառուցվում: Նախագծային ավարտական փուլում է Նավուրի միջնակարգ մոդուլային դպրոցի շինարարության ծրագիրը: Նախագծային փուլում է Այրում քաղաքի միջնակարգ դպրոցի կառուցման ծրագիրը: Մրցութային փուլում են նաև Բագրատաշենի թիվ 1 և Արծվաբերդի թիվ 1 միջնակարգ դպրոցների շինարարության ծրագրերը, նաև Կոթիի միջնակարգ դպրոցի, Կողբի թիվ 1 միջնակարգ և Սեւքարի միջնակարգ դպրոցների շենքերի կառուցման ծրագրերը: Աղավազանի, Պողոսյանի, Ոսկեվանի, Լուսաձորի, Նորաշենի կրթահամալիրների շենքերի կառուցումը նախատեսված է սկսել 2024թ.-ին: Տավուշի մարզպետարանից տեղեկացել ենք, որ դպրոցական նոր շենքերի ու կրթահամալիրների կառուցման համար դպրոցների հին մասնաշենքերից քանիսն է քանդվելու: Կոթիի միջնակարգ և Արծվաբերդի թիվ 1 միջնակարգ դպրոցի նոր շենքերի շինարարության համար նախատեսվում է այդ դպրոցների շենքերի 50 տոկոսը քանդել, սակայն 2 մասնաշենք թողնել, իսկ Այգեձորում և Սեւքարում դպրոցների նոր շենքերի համար նախագծով նախատեսված է դպրոցների գործող շենքերն ամբողջությամբ քանդել: Պողոսյանի կրթահամալիրի կառուցման համար նախատեսված է հին շենքը 70 տոկոսով քանդել, թողնել մեկ մասնաշենք: Հինարարության նախագծով Նորաշեն գյուղի կրթահամալիրի համար ներկայումս գործող դպրոցի շենքն ամբողջությամբ քանդվելու է, Ոսկեվանի կրթահամալիրի կառուցման համար դպրոցի շենքի 50 տոկոսն է քանդվելու, սակայն 2 մասնաշենք մնալու է: Տավուշի գյուղերում դպրոցներ ու կրթահամալիրներ կառուցելու համար գործող դպրոցների կամ տվյալ գյուղի տարածքում ազատ տարածքներ կան, սակայն շինարարական նախագծերով նոր դպրոցներ, կրթահամալիրներ կառուցելու համար դպրոցների ոչ վթարային շենքերը նախատեսված է քանդել, որպեսզի դրանց տեղում նոր շենքեր կառուցվեն: Ենթադրում ենք, որ դրա նպատակը դպրոցների նոր շենքերի կառուցման նախագծերի արժեքը ուճանցնելն է՝ դրանց մեջ ներառելով նաև քանդման աշխատանքների արժեքը: 2024 փետրվարի 13-ի դրությամբ Տավուշի մարզում բնակչություն է հաստատել Արցախից բռնի տեղահանված 786 ընտանիք՝ 2810 անձ, նրանք ապրում են բնակավայրերում կամ անվճար ուրիշ տներում: Դպրոցների նշված մասնաշենքերը ոչ թե պետք է քանդել, այլ շենքերի վիճակն ուսումնասիրելուց հետո դրանք վերանորոգելով կամ հիմնանորոգելով տարածքները որպես բնակարան անվճար հատկացնել հայրենիք կորցրած, Տավուշում հաստատված արցախցի ընտանիքներին

ՈՍԿԱՆ ՄԱՐԶԱՅԱՆ  
Տավուշ

«ԱՎՐՈՐԱ»

ԼՈՒՅՍ ՄՓՔԵԼՈՎ ՄԱՐԴԱՍԻՐՈՒԹՅԱՆ ՎՐԱ

«Ավրորա» մարդասիրական նախաձեռնությունը հասուկ միջոցառումների ցարք կանցկացնի 2024 թ. մայիսի 8-10-ը Լոս Անջելեսում: Միջոցառումները, այդ թվում՝ 2024 թ. «Ավրորա» մրցանակի շնորհման արարողությունը և Մարդու իրավունքների և մարդասիրության ֆորումը, տեղի կունենան Կալիֆորնիայի համալսարանի «Խոստում» մարդու իրավունքների ինստիտուտի հետ համագործակցությամբ:

Այս մասին հաղորդագրություն է տարածել «Ավրորա» մարդասիրական նախաձեռնության գրասենյակը:

Միջոցառումները կանցկացվեն «Ավրորա» մարդասիրական նախաձեռնության համահիմնադիր, Flagship Pioneering ընկերության հիմնադիր և գլխավոր գործադիր տնօրեն, «Մոդերնայի» համահիմնադիր և նախագահ Նուբար Աֆեյանի և Լոս Անջելեսի Կալիֆորնիայի համալսարանի պրոֆեսոր, Վաշե և Թամար Մաևուկյանների անվան մարտական հիվանդությունների բաժանմունքի ղեկավար, ինչպես նաև «Էմմի» անվանակարգում առաջադրված կինոպրոդյուսեր և ձեռներեց Էրիկ Երայիլյանի նախագահությամբ: Վերջինիս ջանքերի շնորհիվ 2017 թ. ստեղծվել է Կալիֆորնիայի համալսարանի «Խոստում» մարդու իրավունքների ինստիտուտը:

«Մեզ համար պատիվ է միավորել ջանքերը «Խոստում» ինստիտուտի հետ, որպեսզի աջակցենք ակամավոր մարդասերներին և մարդու իրավունքների պաշտպաններին, որոնք վտանգում են սեփական անձը՝ այլոց օգնելու համար», - ասաց դոկտոր Նուբար Աֆեյանը: «Անցած ութ տարիների ընթացքում «Ավրորան» ստեղծել է համախոհների համաշխարհային ցանց, որոնք նվիրված են այս կարևոր գործին, և մենք ուրախությամբ սպասում ենք նրանց Լոս Անջելեսի միջոցառումներին, ինչն ավելի կարծրացնի համայնքային ակտիվիստների ծայրն ամենուրեք և աշխարհին ցույց կտա յուրաքանչյուր անհատի ուժը դրական փոփոխության հասնելու գործում»:

«2024 թ. «Ավրորա» մրցանակի միջոցառումները Լոս Անջելեսում հնարավորություն կտան հյուրերին և մասնակիցներին իրենց երախտագիտությունը հայտնելու նրանց, ովքեր, չհնայելով սեփական անձը, օգնում են կարիքի մեջ հայտնվածներին: Հույսով ենք, որ սա կոգեւորի մարդկանց այդ երախտագիտությունը վերածելու գործի՝ միասնալով մեզ և մաս կազմելով այս համաշխարհային շարժմանը՝ ի նպաստ համընդհանուր բարօրության», - նշեց միջոցառումների համանախագահ Էրիկ Երայիլյանը: «Լոսյա սփռվելով մար-



դասիրության վրա, որը հաճախ դրսևորվում է ամենադժվարին պահին՝ մեր նպատակն է ԱՄՆ-ում և ամբողջ աշխարհում բարձրացնել իրազեկությունն այն սովորական մարդկանց մասին, որոնց արտասովոր քայլերի է մղում կարեկցանքի և արդարության զգացումը»:

2024 թ. «Ավրորա» համաշխարհային մարդասիրական մրցանակի դափնեկրի անունը կհայտարարվի «Ավրորա» մրցանակի շնորհման արարողության ժամանակ: Դափնեկիր կդառնա «Ավրորայի» հերոսներից մեկը. նրանց անունները հայտնի էին դարձել 2023 թ. սեպտեմբերին: Մրցանակը տրվում է դափնեկրին՝ հնարավորություն տալով նրան շարունակելու մարդասիրության շղթան և աջակցելու մարդասերներին և կազմակերպություններին, որոնք երկրորդ հնարավորություն են տալիս կարիքի մեջ գտնվող մարդկանց:

Մարդու իրավունքների և մարդասիրության ֆորումն ու մյուս միջոցառումները կհամախմբեն ոլորտի առաջատար փորձագետներին՝ ծավալելու բովանդակային քննարկում տարբեր հարցերի շուրջ՝ գեներալային արդարության, կրթության, արհեստական բանականության, կլիմայի փոփոխության, համաշխարհային առողջապահական ճգնաժամ և այլն:

«Ավրորա» համաշխարհային մարդասիրական մրցանակի մասին

«Ավրորա» համաշխարհային մարդասիրական մրցանակը 1 միլիոն ԱՄՆ դոլար պարգև է, որը շնորհվում է նրանց, ովքեր վտանգում են սեփական կյանքը, առողջությունը կամ ազատությունը՝ փրկելու այլոց կյանքը, առողջությունը կամ

ազատությունը: Իր ստեղծումից ի վեր (2015 թ.) այն լույս է սփռում աշխարհի մի շարք ամենահրատապ և անտեսված ճգնաժամերի վրա: 2024 թ. «Ավրորա» համաշխարհային մարդասիրական մրցանակի հավակնորդ 2024թ. «Ավրորայի» հերոսների անունները հայտարարվեցին 2023 թ. սեպտեմբերի 18-ին «Բլիթթոն» համաշխարհային նախաձեռնության (CGI) ամենամյա միջոցառման ընթացքում Նյու Յորքում:

«Ավրորա» մարդասիրական նախաձեռնության մասին

«Ավրորա» մարդասիրական նախաձեռնությունը ձգտում է լուծել մարդասիրական խնդիրներն աշխարհի տարբեր անկյուններում տեղում օգնելով ամենակարիքավորներին: Նախաձեռնությունն ունի հայկական պատմական արմատներ, քանի որ այն ստեղծվել է Հայոց ցեղասպանությունը վերապրողների անունից՝ ի երախտագիտություն նրանց փրկողների, ձգտելով վերափոխել այս փորձառությունը համաշխարհային շարժման:

«Խոստում» մարդու իրավունքների ինստիտուտի մասին

«Խոստում» մարդու իրավունքների ինստիտուտը Կալիֆորնիայի համալսարանի իրավաբանության դպրոցում գործող մարդու իրավունքներին ուղղված կրթության, հետազոտության և ազդեցության նորարարական կենտրոն է: Կիրառելով Լոս Անջելեսի ստեղծարար և դիմամիկ մոտեցումները՝ մենք ձգտում ենք վերափոխել մարդու իրավունքների ներուժը՝ հաղթահարելու մեր ժամանակի ամենահրատապ որոշ խնդիրներ:

ՆԱՄԻԿ ՄՐԱՍՅԱՆ

56 ԱՌԱՐԿԱ

ԺԱՅՌԱՓՈՐ ԳԱՄԲԱՐԱՆԻ ԳԱՆՉԵՐԸ

Օհանավանում վերջերս հայցնաբերված միջնադարյան ժայռափոր դամբարանի գանձերը համարակալվում, մաքրվում են: Այս մասին հայցնում են «Պահպանության ծառայություն» ՊՈԱԿ-ից:

Հնագիտական 56 առարկա նախ հանձնվել է «Պատմամշակութային արգելոց-թանգարանների և պատմական միջավայրի պահպանության ծառայու-

թյուն» ՊՈԱԿ-ին: Համարակալվելուց և հաշվառվելուց հետո առարկաները տեղափոխվել են Թանգարանային առարկաների վերականգնման լաբորատորիա:

Այս պահին իրականացվում են մաքրման աշխատանքներ: Գտածոները հիմնականում ձիթաճրագներ են և թվագրվում են IV-V դդ.: Հիշեցնենք՝ փետրվարի 15-ին ԿԳՄՍ նախարարությունից հայտնել էին, որ Օհանավանի տարածքում Քասախի կիրճում, բնակիչներից մեկը

սեփական տարածքում հողային աշխատանքների ժամանակ հայտնաբերել է միջնադարյան ժայռափոր դամբարան: «Պահպանության ծառայություն» ՊՈԱԿ-ից հայտնել էին, որ Օհանավանում հայտնաբերված միջնադարյան ժայռափոր դամբարանում առաջիկայում կիրականացվեն հնագիտական աշխատանքներ, հուշարձանը կվկայագրվի և կներառվի Նորահայտ հուշարձանների ցանկում:

Ն. ՄՐԱՍՅԱՆ

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 4 պատահար. 5 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՊՐԵՍԻԵՐԱ

«ԱՐԱՐԱՏ ՍԱՐԻ ԼԱՆՋԻՆ»

Հայ-Ռուսական համալսարանում տեղի ունեցավ հայտնի լրագրող և ռեժիսոր Աշոտ Ջազոյանի «Արարատ սարի լանջին» վավերագրական ֆիլմի պրեմիերան:

«Ֆիլմը մի քանի ամիսների ընթացքում կատարված մեծ աշխատանքի և անցյալ տարվա աշնանը ՀՀ-ի հարթակում անցկացված «Ռուսաստան-Հայաստան գործընկերություն» հանուն ապագայի» մեդիա ասամբլեայի արդյունք է: Աշոտ Ջազոյանը հսկայական ներդրում ունի ռուս-հայկական հարաբերությունների զարգացման գործում: Իսկ այսօր, երբ նշում ենք Մայրենի լեզվի օրը, եւ Հայրենիքի պաշտպանի օրվան ընդառաջ՝ մենք դիտում ենք համատեղ ստեղծված այս վավերագրական ֆիլմը՝ ՀՀ-ի Ռուսաստանի հասարակական կյանքի մասնակցությամբ: Սա պետք է վերածենք ազգային և ռուս-հայկական հարստության»,- նշեց ՀՀ-ի ՌԴ տնտեսագիտության դոկտոր, պրոֆեսոր Էդվարդ Սանդոյանը:

Իր հերթին Աշոտ Ջազոյանն ընդգծեց, որ սա Ռուսաստանի և Հայաստանի երիտասարդ լրագրողների առաջին և եզակի համատեղ նախագիծն է: Ֆիլմը նվիրված է երկու ժողովուրդների հարաբերությունների մետաֆիզիկային:

«Մենք 60 հոգուց բաղկացած հիանալի թիմ ունեինք: Ռա միջազգային, ռուս-հայկական խումբ էր, եւ մի քանի օր մասնակիցները միասին պատմություններ էին կերտում Հայաստանի բնակիչների մասին: Անչափ շնորհակալ եմ համալսարանին, որը ոչ միայն օգնեց կազմակերպմանը, այլև ապահովեց ամենակարևորը: ՀՀ-ի Ռուսաստանի նկատմամբ հարգանքներն արտբեր պատմություններն օգնելով իրենց ռուս գործընկերներին ճանաչել երկիրը»,- ասաց Ջազոյանը:

ՀՀ-ի ժուռնալիստիկայի ամբիոնի վարիչ Մարինա Ալեքսանդր Նշեց, որ այս նախագիծը մի քանի մասնագիտությունների Ռուսաստանի հնարավորություն է տվել ոչ միայն կատարելագործել իրենց մասնագիտական հմտությունները, այլ նաև բերել նրանց իրական մշակութային համագործակցության դաշտ, զգալ ոչ թե խոսքերով, այլ գործնականում հայ-ռուսական դարավոր բարեկամության ոգին:

Ֆիլմի ցուցադրության ավարտին Հայաստանում ՌԴ դեսպանատան խորհրդական և բանագնաց Մաքսիմ Սելեզնևը նշեց. «Կարծում եմ, որ նման ֆիլմերը պետք է ցուցադրվեն ոչ միայն լայն էկրանով, այլ նաև կենտրոնական հեռուստատեսությամբ: Պետք է տարբերակի ավանդույթ դարձնել նման ցուցադրությունները, որպեսզի ստանանք «Արարատ սարի լանջին» ֆիլմաշար: Դրանք կդառնան յուրօրինակ տարեկան հաշվետվություն, թե ինչպես է փոխվում Հայաստանը»:

Հիշեցնենք՝ «Արարատ սարի լանջին» վավերագրական ֆիլմը ստեղծվել է Հայաստանի և Ռուսաստանի 60 երիտասարդ լրագրողների և լուսանկարիչների մասնակցությամբ (տեղորությունը՝ 39 րոպե): Ֆիլմը իր ամբողջական դրամատուրգիայով ամփոփել է 20-ից ավելի 1,5 րոպեանոց տեսանյութ: Փետրվարի 28-ին տեղի կունենա ֆիլմի շնորհանդեսը ևս: Մոսկվայի «Կոսմոս» կինոթատրոնում:

ՀԱՄԱԳՈՐԾԱԿՑՈՒԹՅՈՒՆ

ՀԵՏԲՈՒՂԱԿԱՆ ԿՐԹԱԿԱՆ ԾՐԱԳԻՐ

Հայաստանի Հանրապետության առողջապահության և ԿԳՄՍ նախարարների համատեղ ստորագրած դաճոնական հրամանով կենդրվի հետքուհական մասնագիտական կրթական ծրագիր:

Այն գործելու է բժշկական կրթության ոլորտում կլինիկական օրդինատուրայի հենքի վրա: Ծրագրի ակադեմիական գործընկերներն են Հայաստանի Հանրապետության առողջապահության նախարարության առողջապահության ազգային ինստիտուտն ու ԵՊԲՀ-ն, իսկ միջազգային գործընկերը՝ Լոս Անջելեսի մանկական հիվանդանոցը: Ծրագիրը ստեղծվել է «Հենար» բարեգործական հիմնադրամի նախաձեռնությամբ:

Ծրագրի հիմնական կլինիկական գործընկերներն են «Արաբկիր» բժշկական համալիրը, «Մուրացան» համալսարանական հիվանդանոցային համալիրն ու «Ուիգմոր» կանանց և երեխաների հիվանդանոցը:

Առողջապահության նախարար Անահիտ Ավանեսյանն ընդգծեց, որ ծրագիրը նպատակ ունի միավորել երկրում առկա լավագույն ակադեմիական և կլինիկական ռեսուրսները հետքուհական բժշկական կրթության ոլորտում, ինչպես նաև համագործակցել միջազգային գործընկերների հետ՝ ստանալու նորարարական, ռեզիդենտակետորոն ծրագիր՝ հիմնված միջազգային լավագույն փորձի վրա: Այս ծրագիրը ռեզիդենտներին տալու է ընդգրկում, բազմազան և համապարփակ կրթություն:

«Այս ձեռքբերման հիմքում ընկած է բավական մեծ աշխատանք: Ես շնորհավորում եմ այս կարևոր համագործակցության, նաև գրանցված այն արդյունքի համար, որը հետագայում թե կրթական, թե առողջապահական ոլորտում լուրջ բարեփոխումների հիմք է ծառայելու: Հայաստանի զարգացման և ձեռքբերումների համար չափազանց կարևոր է տարբեր գերատեսչությունների, նախարարությունների ու նաև բուհական համակարգի ակտիվ համագործակցությունը: Ուրախ եմ, որ մենք այսօր արդեն իսկ իրականացնում ենք պիլոտային ծրագիրը, որը մեզ հնարավորություն կտա օգտագործելու և վերցնելու մեր միջազգային գործընկերների շատ կարևոր փորձը՝ ձեռնարկել այն կառուցակարգերը, որի շրջանակներում հետագայում կվերանայենք և կմեկնարկենք մեր մյուս ծրագրերը»,- ասաց Ավանեսյանը:



իսկ գործընկերների շատ կարևոր փորձը՝ ձեռնարկել այն կառուցակարգերը, որի շրջանակներում հետագայում կվերանայենք և կմեկնարկենք մեր մյուս ծրագրերը»,- ասաց Ավանեսյանը: ՀՀ ԿԳՄՍ նախարար Ժաննա Անդրեասյանն էլ, անդրադառնալով իրականացվող փոփոխություններին, ընդգծեց, որ դրանք անհրաժեշտությունն այս պահին կա թե կրթության, թե առողջապահության ոլորտներում: «Ուրախ եմ, որ միջգերատեսչական համագործակցությունը, որը դեռևս բարելավվելու անհրաժեշտություն ունի, կյանքի կոչվելու է: Կարևորում եմ այն փաստը, որ այն իրականացվում է որպես փորձնական ծրագիր, որովհետև սա մի

ուղղություն է, որտեղ մենք կարիք ունենք հասկանալու լավագույն ճանապարհները, փորձելու դրանք և այդ փորձի հիման վրա նաև տեսնելու, թե ինչպիսին պետք է լինի համակարգային փոփոխությունը»,- նշեց նախարարը: Հետքուհական մասնագիտական կրթական ծրագիրը գործում է Առողջապահության նախարարության նպատակային օրդինատուրայի ծրագրի շրջանակներում: Այն մեկնարկել է 2023 թ.-ի հոկտեմբերի 9-ին, ունի մրցութային կարգով ընդգրկված 8 սան, ովքեր ընդունվել են Երեւանի պետական բժշկական համալսարանի և Առողջապահության ազգային ինստիտուտի միջոցով: **ԷԼՄԱ ՄԻՔԱՅԵԼՅԱՆ**

ՀՐԱՊՈՂՈՎԱԿԱՆ ԾԱՆՈՒՅՈՒՄ

«Բիեսթի» ՍՊԸ-ն (այսուհետ՝ Կազմակերպիչ) «ԵՐԵՎԱՆԻ ԱՊՐԱՆՔԱՅԻՆ ԲՈՐՍԱ» ՍՊԸ-ի հարթակում իրականացնելու է բաց աճուրդ համապատասխան փուլերով՝ «դասական» (զևի բարձրացմամբ), այսուհետև «հոլանդական» (զևի նվազեցմամբ) եղանակներով: Աճուրդի ընթացքում վաճառվելու է «Արդյունքային» ՓԲԸ-ին (այսուհետ՝ բանկ) գրավի իրավունքով պատկանող հետևյալ լոտը.

- Լոտն մարզ, համայնք՝ Վանաձոր ք., Ներսիսյան թաղամաս, 2 շենք, 8 հասցեում գտնվող 61,67 ք.մ. բնակարան: Լոտի մեկնարկային գինը՝ 9070000 ՀՀ դրամ: Լոտի նկատմամբ սահմանափակումները՝ գույքը գրավարված է: Աճուրդի փուլերը՝ ք. Երեւան, Սայաթ-Նովա պողոտա, 40 շենք, թիվ 82/31 հասցեում 11.03.2024թ.-ին, ժ. 12:00-ին դասական եղանակով, այսուհետև յուրաքանչյուր աշխատանքային օր, նույն վայրում, նույն ժամին՝ հոլանդական եղանակով: Աճուրդի ավարտը՝ 11.04.2024թ.-ին: Աճուրդի մասնակցության նախաձեռնող սահմանված է համապատասխան գույքի ընթացիկ մեկնարկային գնի 1%-ի չափով, որի վճարման վերջնաժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ն: Նախաձեռնող վճարվում է «Բիեսթի» ՍՊԸ -ի դրամարկումնաճուրդի կայացման հասցեում, ՀՀ օրենսդրությամբ սահմանված կանխիկի շեղմ չգե-

րազանցելու դեպքում, կամ բանկային հաշվին («Արդյունքային» ՓԲԸ-ում 2470103374150000 հաշվեհամարին) կամ կազմակերպչի կողմից տրված այլ հաշվեհամարին: Աճուրդին մասնակցելու համար անհրաժեշտ է ներկայացնել՝ ֆիզիկական անձանց համար անձը հաստատող փաստաթուղթ և Կազմակերպչի կողմից տրված մասնակցի վկայական (այսուհետ՝ աճուրդի վկայական), որը հաստատելու է նաև նախաձեռնողի մուծման փաստը, իսկ իրավաբանական անձանց համար՝ կանոնադրությունը, իրավաբանական անձանց պետական գրանցման վկայականը, պաշտոնատար անձի կամ ներկայացուցչի լիազորությունները հաստատող փաստաթուղթ և աճուրդի վկայական: Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայացրած մասնակիցը, աճուրդավարի մուծման երրորդ հարվածից հետո, համարվում է աճուրդում հաղթած մասնակից: Աճուրդին մասնակցած, սակայն չհաղթած անձի մուծած նախաձեռնող վերադարձվում է աճուրդի ավարտվելուց հետո մեկ աշխատանքային օրվա ընթացքում: Նախաձեռնողը ենթակա է վերադարձման, եթե աճուրդը համարվում է չկայացած: Եթե աճուրդում հաղթող ճանաչված անձը հրաժարվում է ստորագրել արձանագրությունը կամ առուվաճառքի պայմանագիրը, ապա նա կորցնում է իր մուծած նախաձեռնողը: Եթե Կազմակերպիչը հրաժարվում է

ստորագրել արձանագրությունը, ապա նա պարտավոր է աճուրդում հաղթող ճանաչված անձին վերադարձնել նախաձեռնողը: Նախքան աճուրդի ավարտն աճուրդային լոտի նկատմամբ բանկի գրավի կամ սեփականության իրավունքի դադարման հետեանցով աճուրդի մասնակիցների կորուստների և վնասների համար բանկը որևէ պատասխանատվություն չի կրում: Լոտն ուսումնասիրելու ցանկություն հայտնած անձինք կարող են սույն ծանուցման օրվան հաջորդող օրվանից մինչև աճուրդի ավարտի նախորդող օրը, յուրաքանչյուր աշխատանքային օր, ժ. 10:00-ից մինչև 18:00-ն, այցելել վերը նշված հասցեով և ծանոթանալ լոտի հետ՝ այցելությունը նախապես համաձայնեցնելով Կազմակերպչի և Բորսայի հետ: Հարկային գործակալ հանդիսանալու դեպքում աճուրդում հաղթած մասնակցի կողմից լոտի գնի վճարելու կարգը սահմանվում է վաճառողի հետ՝ փոխհամաձայնեցված ժամկետներում: Սույն ծանուցումը կարող է փոփոխվել մամուլում հրապարակվելու միջոցով: Աճուրդների անցկացման կանոնակարգին կարող էք ծանոթանալ և անվճար ստանալ կանոնակարգի պատճենը, դիմելով Կազմակերպչին՝ ք. Երեւան, Սայաթ-Նովա պողոտա, 40 շենք, թիվ 82/31 հասցե: Բոլոր այլ տեղեկությունների համար կարող էք գանգահարել (011) 56-45-13 հեռախոսահամարով կամ այցելել [www.ilcbst.am](http://www.ilcbst.am), [www.borsa.am](http://www.borsa.am) կայքերը:

«Ճողովուրդ» օրաթերթում և Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅՑ

«ԵՐԵՎԱՆՅԱՆ ԲԵՍԹՆԵԼԵՐ»

ԿԱՊՈՂ ՕՂԱԿ՝ ԳԻՔԻ ԵՎ ԸՆԹԵՐՑՈՂՆԵՐԻ ՄԻՋԵՎ

«Արմենոբրես» դեռևս կան լրացված գործառնություններ ավելի քան սասք...



«Արմենոբրես»-ի տնօրեն Նարինե Նազարյանը ընդգծեց, որ նախագիծը գործա...

«Նախագիծը նպատակ ունի յուրահատուկ կապող...

«Տարվա ամենապահանջված թարգմանություններ»...

«Տարվա բեսթսելլերների թարգմանիչ»...

«Տարվա ամենապահանջված թարգմանությունների հրատարակիչ»...

Հրատարակչության հիմնադիր Նախագահ Մկրտիչ Կարապետյանը շնորհակալություն հայտնեց...

ել գրախանութները: «Մենք չենք հասցնում տպագրել Ազաթա Քրիստիի գրքերը...

«Տարվա մանկապատանեկան գրքերի հրատարակիչ»...

«Բուկինիստ»-ի տնօրեն Խաչիկ Վարդանյանը հավաստիացրեց՝ եթե մրցանակ հանձնվեր...

«Տարվա բեսթսելլերների հրատարակիչ»...

ժանրում Ջոն Ստրեյթի գրքերի՝ տարվա բեսթսելլեր ճանաչվելու համար:

«ԴաՎինչի» հրատարակչության տնօրեն Հայկ Աջապահյանը մրցանակն անսպասելի համարեց՝ նշելով, որ որևէ գիրք տպագրության համար դիտարկում են...

«Տարվա հայ հեղինակ» անվանակարգում մրցանակի արժանացավ Աշոտ Աղաբաբյանը՝ անդադրում աշխատանքի, անսպառ ստեղծագործականության եւ մի քանի գրքով տարվա բեսթսելլեր ճանաչվելու կապակցությամբ:

Նարինե Նազարյանը ընդգծեց, որ հեղինակն ունի մոտ մեկ տասնյակ ստեղծագործություններ, որոնցից դժվարանում է առանձնացնել որևէ մեկը...

Աղաբաբյանը շնորհակալություն հայտնեց «Բուկինիստ» հրատարակչությանը՝ մշտապես իր կողքին լինելու եւ իր գործերն ընթերցողների հնարավորինս լայն լսարանի հասանելի դարձնելու գործում:

ՀՈՒՐԻ ԲԱՂՂԱՍՍՈՐՅԱՆ

ՄԱՐԶԱԿԱՆ

ՊԱՏՐԱՍՏ՝ ՀԱՂԹԱՆԱԿԻ

Հայաստանի ծանրամարտի հավաքականի անդամ, Եվրոպայի տորնեո չեմպիոն Վարազդատ Լալայանը իր չեմպիոնությունը կարեւոր գործոն է համարում դեպի Օլիմպիական խաղեր տանող ճանապարհին:

«Մենք չգիտեմք, որ Լաշան (խմբ. Վրաստանի ծանրամարտի հավաքականի անդամ, օլիմպիական կրկնակի, Եվրոպայի ու աշխարհի 7-ակի չեմպիոն Լաշա Տալախաձե) չի մասնակցելու Եվրոպայի առաջնությանը: Դա միայն ընթացքում պարզ դարձավ: Ես պատրաստ էի այս մրցումներին: Ես պատրաստ էի հաղթանակի: Շատ ոգետրված եմ: 3-4 տարի Եվրոպայի առաջնություններում մեդալներ ունեցել եմ, բայց այս չեմպիոնությունը սպասված էր: Մեծահասակների շարքում առաջին չեմպիոնությունս է: Ինձ համար սա շատ տպավորիչ է, ես շատ ուրախ եմ»,- ասաց Լալայանը: Խոսելով Պոկոմ վարժությունում իր գրանցած արդյունքից՝ Լալայանն առանձնացրեց, որ այս ձեռում մոտեցումներն այդքան էլ լավ չստացվեցին, բայց հավելեց, որ Հրում վարժությունում երկու մոտեցումները բավարար էին հաղթելու համար:

«Հիմա ամեն ինչ տանում է դեպի Օլիմպիական խաղեր, ամեն ինչ նպաստում է դրան: Օլիմպիական խաղերին առավել լավ պետք է պատրաստվենք, որ ավելի լավ ու վստահ ներկայացնենք մեր երկիրը»,- ընդգծեց նա:

Բուկրաբիայի մայրաքաղաք Սոֆիայում ընթացող ծանրամարտի Եվրոպայի առաջնությունը մոտեցավ ավարտին: Մրցումային վերջին՝ 9-րդ օրը պայքարի մեջ մտան գերմանի քաջային ծանրորդները: Ծանրամարտի աշխարհի եւ Եվրոպայի 7-ակի չեմպիոն, Օլիմպիական խաղերի կրկնակի ոսկե մեդալակիր Լաշա Տալախաձեն հրաժարվեց մրցումից:

Հայաստանի ընտրանու անդամ Վարազդատ Լալայանը Պոկոմ վարժությունում գլխավորեց 200 եւ 205 կգ: Նա ոսկե մեդալ նվաճեց այս ձեռում: Հրում վարժությունում նա բարձրացրեց 250 կգ եւ դարձավ փոքր ոսկե մեդալակիր: Երկամարտի 455 կգ արդյունքով Վարազդատ Լալայանը դարձավ Եվրոպայի չեմպիոն: Այս քաջային կարգում արծաթե մեդալ նվաճեց Հայաստանի հավաքականի անդամ Սիմոն Մարտիրոսյանը:

ՉԵՄՊԻՈՆՆԵՐԻ ԼԻՔՏ

Ֆուտբոլի Չեմպիոնների լիգայում կայացան «Ինտեր»-«Ատլետիկո», «ՊՍՎ»-«Բորուսիա» հանդիպումները:

«Ինտեր»-ը, սեփական հարկի տակ ընդունելով Մարտիոնի «Ատլետիկո»-ին, առավելության հասավ նվազագույն հաշվով:

Միլանյան ակումբի կազմում միակ գնդակը խփեց Մարկո Լիմասուտոլիչը խաղի 79-րդ րոպեին: Հայաստանի ֆուտբոլի ազգային թիմի նախկին ավագ Զեմրիխ Մխիթարյանը «Ինտեր»-ի մեկնարկային կազմում էր, սակայն փոխարինվեց 73-րդ րոպեին:

Օրվա մյուս խաղում Դորտմունդի «Բորուսիա»-ն հյուրընկալվեց «ՊՍՎ»-ին: Այդ հանդիպումն ավարտվեց ոչ-ոքի՝ 1:1 հաշվով: «ՊՍՎ»-ից աչքի ընկավ Լյուկ դե Յոնգը, իսկ «Բորուսիա»-ի գոլը հեղինակեց Դոնիել Մալեյ:

Այս թիմերի պատասխան հանդիպումները կկայանան մարտի 13-ին:

ՅՈՒՅԱԴՐՎՈՒՄ ԵՆ

ՀԱՅ ԿԻՆՈՅԻ 100-ԱՄՅԱԿ

Հայ կինոյի 100-ամյակի օրհանգում Բյուսեյի Միմենասեկում ցուցադրվում են նույնանուն կինոռեժիսոր, սցենարիստ, կինոդերասան, «Հայֆիլմ» կինոստուդիայի հիմնադիր, ՀԽՍՀ ժողովրդական արտիստ Համո Բեկնազարյանի մի քանի ֆիլմեր:

Այս մասին հիշեցնում է Հայաստանի ազգային կինոկենտրոնն ու տեղեկացնում, որ փետրվարի 20-ին եւ 27-ին Սինե-

մատեկում ցուցադրվելու է հեղինակի՝ 1930 թվականին նկարահանած «Երկիր Նաիրի» ֆիլմը:

Կինոնկարը նվիրված է Հայաստանում խորհրդային իշխանության 10-ամյակին: Խորհրդային Միությունում մինչեւ 2-րդ Կերտովը վավերագրական կինոն ուներ գլխավորապես փաստագրական բնույթ, ինչը բնորոշ էր նաեւ հայկական վավերագրական կինոյին: Հայկական առաջին «վավերագրական» ֆիլմերը հեղինակել է Համո Բեկնազարյանը: Նա օպերատոր Ա. Յակովլեի հետ արձանագրել է Գյումրիի երկրաշարժի հետեւանքները (1926թ.), իսկ 1930-ին նրանք նկարել են «Երկիր Նաիրի» գեղարվեստ-վավերագրական լիամետրաժ կինոնկարը: Իր ձեռագրով այս ֆիլմը կատարելապես նոր երեւույթ էր հայկական կինոյում:

Հ. ԲԱՂՂԱՍՍՈՐՅԱՆ

● Փետրվարի 26-ին Կոմիտասի անվան կամերային երաժշտության տանը տեղի կունենա «Երգեհոնային երաժշտության համերգ»-ը: Տոմսերի արժեքը՝ 1000-3000 դրամ: Սկիզբը՝ ժամը 19:00-ին:



## ԿԵՆՍԱԹՈՇԱԿՆԵՐ

**ՀԱՐՑ.** Կարո՞ղ է արդյո՞ք կենսաթուակը վճարվել լիազորագրով: Եվ ուզում եմ իմանալ, թե ինչ ժամկետում է վճարվում չվճարված կենսաթուակի գումարը:

Արուսյակ Հովակիմյան (46 տարեկան)



**ՊԱՏԱՍԽԱՆ.** Քաղաքացու հարցին ի պատասխան՝ տեղեկացնում ենք, որ կենսաթոշակը վճարվում է Հայաստանի Հանրապետությունում գործունեություն իրականացնող նոտարի վավերացրած լիազորագրով, ինչպես նաև Հայաստանի Հանրապետության հետ կենսաթոշակային ապահովության բնագավառում միջպետական համաձայնագիր կնքած պետություն մշտական բնակության մեկնող (մեկնած) անձի կենսաթոշակի գործն ուղարկելու դեպքում, նաև այդ պետությունում գործունեություն իրականացնող նոտարի վավերացրած լիազորագրով: Չվճարված կենսաթոշակի գումարը վճարվում է կենսաթոշակ վճարելու համար դիմելու ամսվան նախորդող մեկ տարվա այն ժամանակահատվածի համար, որի ընթացքում անձը կենսաթոշակ ստանալու իրավունք է ունեցել:

*Կենսաթոշակային համակարգի իրազեկման կենտրոն*

**«ԺՈՂՈՎՈՒՐԳ».** Տեղեկացնենք, որ աշխատանքային կենսաթոշակը վերահաշվարկվում է, եթե կենսաթոշակառուն ներակայացրել է տարիքային կամ հաշմանդամության կենսաթոշակ նշանակելուց (վերահաշվարկելուց) հետո առնվազն վեց ամիս աշխատած լինելու մասին տեղեկանք օրացուցային տարվա ընթացքում մեկ անգամ:

Էջը՝ ՄԱՐԻԱՄ ԴԱՆԻԵԼՅԱՆԻ

## ԿՎՐԳ

**ՀԱՐՑ.** Եթե գործուղման դեղին գիշերավարձի գումարը փաստաթղթով հիմնավորված չէ, ապա սվյալ գումարը ենթակա՞ է նվազեցման գործուղման մեկնած ֆիզիկական անձի համախառն եկամսից:

Լիաննա Իսրայելյան (30 տարեկան)



**ՊԱՏԱՍԽԱՆ.** Հայտնում ենք, որ «Եկամտահարկի մասին» Հայաստանի Հանրապետության օրենքի 9-րդ հոդվածի «բ» կետի եւ 16 ապրիլի 2001թ. N 02/456 հրամանի 12.2-ի համաձայն՝ փոխհատուցման վճարներ են համարվում աշխատանքային պարտականությունները կատարելու համար գործատուների կողմից իրենց աշխատողներին Հայաստանի Հանրապետության օրենսդրությամբ սահմանված դեպքերում եւ չափերով տրվող փոխհատուցումները, մասնավորապես՝ գործուղման վճարները:

Համախառն եկամտից նվազեցվում են ՀՀ տարածքում եւ ԼՂՀ գործուղվելու դեպքում ոչ պետական եւ ոչ համայնքային բյուջեներից ֆինանսավորվող գործուղումների համար ՀՀ կառավարության 29.12. 2005 թվականի N 2335-Ն որոշմամբ սահմանված գիշերավարձի եւ ճանապարհածախսի նվազագույն չափերը չզերազանցող գումարների սահմաններում գիշերավարձի գումարները՝ անկախ փաստաթղթերով հիմնավորված լինելու հանգամանքից, իսկ այդ չափերը գերազանցող գիշերավարձի եւ ճանապարհածախսի գումարները՝ միայն փաստաթղթերով հիմնավորված լինելու դեպքում:

Օտարերկրյա գործուղումների դեպքում գիշերավարձի փաստաթղթերով չհիմնավորված ծախսերը փոխհատուցվում են նշված որոշմամբ տվյալ երկրի համար սահմանված գիշերավարձի նվազագույն նորմայի 70% սահմաններում:

*Հայաստանի Հանրապետության պետական եկամտների կոմիտե*

## ԼՈՒՐ ԿՎՐԻ

Լուսանկարը՝ համացանցից



«Գազարում Արմենիա» ընկերության աշխատողները ավելի քան 500 գիրք նվիրեցին Հայաստանում Ռուսական տանը:

## ԲԱԺԱՆՈՐԴԱԳՐՈՒԹՅՈՒՆ

Մեր թերթը  
Բաժանորդագրվելու  
համար կարող եք դիմել

«Հայմամուլ» ՓԲԸ  
հեռ. 45-82-00, 45-19-11

«Հայփոստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնենք ձեր բարձրացրած բոլոր խնդիրներին:

## ԱՌԱՋԱՐԿ

### հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

### Բաժանորդագրության բլանկ

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

## ԵՂԱՆԱԿԻ ՏԵՍՈՒԹՅՈՒՆ



Շիրակ	- 2 - 7 + 2 + 7
Կոտայքի լեռներ	- 2 - 5 + 3 + 6
Կոտայքի նախալեռներ	0 + 2 + 9 + 11
Գեղարքունիք	- 2 - 6 + 2 + 5
Լոռի	- 2 - 5 + 4 + 8
Տավուշ	0 - 4 + 3 + 7
Արագածոտնի լեռներ	- 2 - 5 + 2 + 5
Արագածոտնի նախալեռներ	+ 4 + 7 + 8 + 12

Արարատ	+ 2 + 5 + 12 + 14
Արմավիր	+ 2 + 4 + 13 + 15
Վայոց ձորի լեռներ	- 2 - 5 + 2 + 4
Վայոց ձորի նախալեռներ	+ 2 + 4 + 12 + 14
Սյունիքի հովիտներ	+ 2 + 4 + 11 + 14
Սյունիքի նախալեռներ	0 - 4 + 7 + 11
ԼՂՀ	0 - 3 + 7 + 10
Երեւան	+ 7 + 9 + 11 + 13

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22՝/3, հեռ՝ 010 54-64-23  
Պետական գրանցման վկայականի համարը՝ 03Ա089086  
տրված է 24.11.2010  
Ստորագրված է տպագրության 21.2.2024

Գլխավոր խմբագիր՝  
**ԸՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում  
խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: